

往生安樂土法門畧述

附
中國人在口頭上
心頭上的阿彌陀佛

往生安樂土法門略說

上海佛學書局印行

本局出版

初機淨業指南

五分

龍舒淨土文

一角半

西方啓信錄

一角

彌陀經白話解釋

二角

蓮池大師竹窗隨筆分類略編

二角半

佛學是人人所必需的學問

八分

諸佛菩薩本願集

三角半

民國十九年一月五版二千本

往生安樂土法門略說 一冊

◎每冊定價大洋五分

著述者 太虛法師

出版者

上海開北新民路
佛學書局
世界佛教居士林內

發行者

上海北火車站東首寶山路口
佛學書局

印刷者


上海南成都路新大沽路口
國光書局
電話 三三七四三號

上海佛學書局 贈書會簡則

- 一 本會定名為贈閱善書會。簡稱贈書會。
- 二 本會以推贈善書便利閱者為宗旨。
- 三 凡欲得本會所贈圖書者。皆得為本會會友。
- 四 本會會友不須交納會費。但每年預繳寄書郵雜費洋一元。
- 五 如一次繳納洋十元者。即為本會永久會友。得永享本會寄贈圖書之利益。而不必繳每年之郵雜費。
- 六 凡本會所經理之贈送圖書。隨時寄交會友收閱。
- 七 會友所繳郵雜費。如一年之中有不足者。不向會友再取。如未盡者。得贈給本局出版之書籍。不使會友有所損失。
- 八 會友如到期未能續繳郵雜費者。本會當停止寄贈。
- 九 會友通訊處。如有更易。請隨時報告。
- 十 本會設在上海佛學書局代辦部。（上海北火車站東首寶山路口）
- 十一 本會會務狀況。於每季世界佛教居士林林刊內報告之。

念阿彌陀佛往生安樂土法門略說

釋太虛爲某居士說



念阿彌陀佛往生安樂世界一法門。約之不出信願行之三要。

(一信)

信者。疑斷解成。志專心決之謂。約有信自心。信佛土。信法門之三信。

(甲)信自心

一信吾人本心。無始無起。無終無滅。持續而恆。隨緣而轉。從生趨死。雖死非斷。從死趨生。雖生非常。招果有因。因熟成果。非一生之偶然。是故當求永安真樂。由業受身。身還造業。非一死所能了。是故當懷深憂遠慮。生死苦長。升沉變亟。茫茫六趣。知飄茵墜溷之何居。冥冥三塗。有幽囚宰烹之可懼。人身難得。今已得。佛法難聞。今已聞。快駒過隙。光陰容易虛度。盲龜值木。佛號好勤持念。故曰。此心不向今身了。更向何身了。此心。

二信吾心本源眞性。卽是佛性。是故吾人本具佛性。本來具足。如來智慧佛德之藏。圓常安樂。自在清淨。若遇善友開導。皈依佛法僧寶。信從佛正法門。懇勤修習。必能證得。故曰勸君買棹江頭去。定卜月明載滿船。

三信吾人無始以來。亦曾生天。亦曾作人。十方三世一切諸佛諸大菩薩諸聖賢衆。分身塵刹。覺悟羣生。吾人夙生必曾值遇承事供養。植種善根。所以今生得聞佛法。復能發起信願之心。雖由迷昧。不自覺知。須信常爲諸佛菩薩之所護念。是故應發勇猛精進之心。應立堅決深固之志。十方諸佛諸大菩薩。大慈大悲。大雄大力。無感不應。無機不攝。吾人果能敬信修習。佛菩薩必救度接引。觀之歷代往生淨土僧俗男女人等。皆以夙生善根力故。現生敬信修習力故。諸佛菩薩救度接引力故。已皆往生安樂淨土。成大菩薩。我亦如是有願必成。故曰彼旣丈夫我亦爾。不應自卑生退屈。

(乙) 信佛土

一。信阿彌陀佛於過去久遠世中。亦與吾人同爲凡夫。捨國王之尊貴。從佛出家。發最深固大菩提心。立四十八深宏誓願。積功立行。生生不退。依其本因地。中行願力故。及其所教化成熟諸衆生善根力故。遂成極安樂圓妙嚴飾之淨土。與諸共願行者同生其中。而成無上正等眞覺。壽命無量。光明無量。故名極樂世界阿彌陀佛。

二。信由此釋迦牟尼世尊娑婆世界之西。過十萬億佛土。確確實實有一安樂世界。爲阿彌陀佛所化之淨土。觀世音大勢至二大菩薩。泊清淨大海中。無量無數菩薩聖賢僧衆。常共圍繞。聽佛說法。依佛法行。從佛法因。證佛法果。永離苦難。得大解脫。神通妙用。不可思議。化身十方。修佛功德。攝諸有緣。同歸樂土。淨蓮化身。不由胎愛。隨往生者信心深淺。願力大小。行功圓偏。而有上三品中

三品下三品九品之別。下三品者。帶業往生之凡夫也。中三品者。斷惑證真之聖衆也。上三品者。宏智大悲之菩薩也。下下品下。復有鐵蓮疑城之級。廣攝罪惡深重。或信願薄弱之衆。使生淨土之後。懺惡修善。斷疑生信。亦得花開見佛。然雖有此九品三級之殊。一經乘願往生。皆得永脫生死輪迴之苦。終成大覺圓寂之佛。一經花開見佛。皆得衣食如意。成無量壽。身心自由。游無量刹。風林水鳥。常演法音。大士衆聖。共爲善友。至安至樂。至美至善。至明至淨。至真至常。故名無量光壽佛極安樂淨土。

(丙) 信法門

一。信此念阿彌陀佛往生安樂世界法門。迺二千九百年前降生於中天竺國。爲百億日月百億天地三千大千娑婆世界之教主。釋迦牟尼佛口之所親說。彌勒菩薩。舍利弗。阿羅漢。韋提希皇后等之所親聞。阿難陀。阿羅漢。親承佛旨。

之所結集流傳。卽今無量壽經佛說阿彌陀經觀無量壽佛經是也。其餘勸念阿彌陀佛往生安樂刹之經論。散見大藏。不可勝紀。佛說無量壽經之時。舍利弗等大阿羅漢。彌勒等大菩薩。及諸天諸神人非人等無量數衆。皆發願往生。佛說觀無量壽佛經之時。韋提希皇后依之修持。當卽往生安樂土。佛說阿彌陀經之時。東西南北上下六方無數佛土阿閼佛等無數諸佛。同時讚歎我本師釋迦牟尼佛。能於此五濁惡世之娑婆界中。說此最方便殊勝之法門。歷代祖師聖賢善信。稱揚修習。得往生成效者。更難悉數。故應信此法門最眞最尊。二。信此念阿彌陀佛往生安樂世界法門。下至極惡衆生。皆可修證。上至等覺大士。亦應修證。蓋下下品及鐵蓮花生者。卽造五逆十惡。墮地獄餓鬼傍生中者。聞此法門起信發願修行得往生也。其中品生者。卽能持五戒行十善。或更稍修禪定。當生人道神道欲界天道中者。聞此法門起信發願修行得往生。

也。觀之往生淨土聖賢錄中。自大聖大賢以至婦女屠戶鳥獸魚蟲皆有往生者。可以知矣。其上上品生者。卽歡喜地至遠行地之菩薩也。其上上品生者。卽不動地至等覺地之菩薩也。觀之佛華嚴經中普賢菩薩亦發願往生。可以知矣。故應信此法門最最。

三。信此念阿彌陀佛往生安樂世界法門。其理性雖不可窮盡。其功德雖不可思議。阿彌陀佛本因地中。曾發諸方世界有稱念其名者。卽爲護持攝受接引往生之宏願。故阿彌陀經佛說執持名號。一心不亂。卽自知得生淨土。故一經往生淨土。便可直至成佛。永無紆曲。永無退轉。故但須心心稱念南無阿彌陀佛六字而執持不忘。卽得具足無窮盡之理性及不可思議之功德。且更有最易行之道。但須每晨稱念南無阿彌陀佛盡十呼吸。亦決往生。得不退地。永脫輪迴。直至成佛。故名此法門爲橫超三界法門。一超直到如來佛地。非若從其

餘法門修證者。初從戒善以超三惡。次從禪定以超欲界。次從般若以超色無色界。尙未能入菩薩正定聚位。中間多復迂滯迴墮之虞。豈若此門但從皈依娑婆界佛法僧寶而皈依極樂界佛法僧寶。卽得頓超出三界乎。故應信此法門最易最妙。

(二願)

信心立矣。若不發願。如有病人於此。雖得靈丹妙藥。已知服之必能卻病延年。身輕力健。設若不願身輕力健。卻病延年。或復妄謂我今無病多壽。身體康強。無需乎此。置之不服。則不能得健康安樂美意延生之效。此亦如是。若不願離娑婆。願生極樂。則還與此法門爲無關係。故信立當濟之以願。約之願亦有三。

(甲)念念厭離娑婆穢土而欣往安樂淨土

釋迦牟尼佛乘大悲救苦之願。爲此娑婆穢土中之教主。聖口叮嚀。勸吾人厭
棄離脫此娑婆穢土而欣慕往生彼安樂淨土。吾人唯能順佛之教。依教奉行。
乃得謂之皈依佛法。不孤負佛恩耳。一者厭此閻浮提洲。吾人所居之地。球卽在此洲內。內外
共三依俱苦。故願離脫。欣彼極樂淨土。內外共三依俱樂。故願往生。云何內外
共三依俱苦也。謂內則依自身而有饑渴冷熱疲勞淫欲生老病死等苦。外則
依天然界而有風雨雷電雪雹瘴霧烟塵沙礫荆棘嶇崎波濤龍虎蟒蚊蚋
等苦。共則依人爲界而有牽制譏罵爭奪傷害姦亂狂暴姦險欺騙強佔暗竊
勢驅威迫刀箭鎗砲毒藥牢獄。乃至恩愛別離怨憎會遇禍起蕭牆變生衽席
求活不能求死不得等苦。故此難堪忍受。娑婆譯義之界。實爲衆苦之海。此界中之
人類。又爲苦海之蟻。一經往生安樂之界。此之衆苦永皆脫離。化身如意。故內
依唯樂而無苦。受境稱心。故外依唯樂而無苦。善友俱會。故共依唯樂而無苦。

二者厭此娑婆世界。地獄餓鬼畜生惡神充塞。雖得生天。第一重天亦不能過九百萬歲之壽。亦尙不免衰耗爭鬪之苦。縱使生至非想非非想天。亦不能過八萬大劫之壽。猶復執心拘定。不能自由。報期一盡。還從業墜。鑊湯爐炭。禽獸胎。或神或鬼。忽天忽人。輪轉靡定。出沒無常。至危至險。極可恐懼。不唯人無足戀。亦復天無足希。（其有欲以念佛而生天者。當知亦是魔念。應速除滅。其有勸念佛之人。求轉世得人中富貴之報。或生天之樂報者。當知彼是魔鬼。應自堅持正願。勿爲所欺。）故願離脫。欣彼安樂世界。從本以來。未有三惡道名。一經往生。卽爲善人賢人眞聖大聖。唯進無退。唯得無失。究竟成佛。常樂我淨。至安至甯。永離怖畏。不唯上品可嘉。亦復下品可羨。故願往生三者。厭此娑婆穢土。茫冥隔礙。九地諸天。亦各爲自類。心境所拘礙。不能互相通達。降至雜居地。雜居地卽欲界中。又復區爲三界。不相聞見。不互往來。一日天界。往來見聞。但及天

與仙神。二曰人界。往來見聞。但及人與傍生。三曰鬼界。往來見聞。但及鬼與地獄。又復鮮知夙命。不了他心。無不晦昧昏迷。故願離脫。欣彼極樂淨土。顯豁開通。聖眼互見。聖耳相聞。他心鑒照。夙命清淨。身境無障。法性圓融。無不光明洞朗。故願往生。

(乙)願早往生淨土。得斷無盡煩惱。而成無上佛陀。在此娑婆世界。雖發成佛之心。惡緣充滿。善緣稀罕。修行甚難。多有退失。少得成佛。往生極樂世界。即具成佛之因。善緣具足。惡緣絕無。修行甚易。決不退失。皆得成佛。爲成佛故。願生淨土。乃菩薩之大智心也。若無此願。雖得往生。未能即從上品生。

(丙)願早往生淨土。得學無量法門。而度無邊衆生。在此娑婆世界。欲一生中成就佛菩薩行。具足諸佛菩薩功德智慧。通達無量。

方便法門。善能隨順一切衆生種種根機性欲而爲化度。甚難甚難。然一往生安樂淨土。花開見佛。證無生忍。卽得深達實相。徧通法性。分身十方世界。普度無邊衆生。爲度生故。願生淨土。乃菩薩之大悲心也。若無此願。雖得往生。未能卽從上品生。

(三)行

信真願切。若不實行修習。如病人雖欲服靈丹妙藥而得卻病延年身輕力健之效。然不如法調服。則還與此靈丹妙藥爲無關係。不能得其成效。此亦如是。故信立願具。當濟之以行。約之行亦有三。

(甲)通行

一者。孝養父母。敬事師長。救護生靈。

二者具皈佛皈佛法皈佛法僧之相。持戒修善。三者存自覺覺他人覺行圓滿之心。信因知果。此三種行。蓋爲信佛教者通常之行。而觀無量壽佛經亦取爲往生安樂之要行也。

(乙) 正行

正行者。卽念阿彌陀佛也。通言念佛。未專指念阿彌陀佛。今則爲求往生安樂土故。專指念阿彌陀佛也。卽念阿彌陀佛。復有覺性念觀相念持名念之三種。茲就古今賢哲所親驗遵行之至簡至妙者言。無過持名念佛。持名念佛。復有三種。(一)每日定課念。復有二種。一於每晨起身。盥漱之後。於佛像或佛經之前。面西正立。唱皈依佛一拜。唱皈依法一拜。唱皈依僧一拜。唱南謨本師釋迦牟尼佛一拜。唱南謨彌勒菩薩一拜。唱南謨普賢菩薩一拜。三唱南謨西方極